

korrika 9



Omenaldia egin zitzaion atzo Korrikan Joxi eta Joxeani.

ANDER GILLENEA

Gipuzkoan zehar, jende asko eta giro oso ona

Tolosako Benta Haundin Joxi eta Joxean omenduak izan dira

Arabatik gipuzkoar Aeremura egin zuen salto atzokoan aurtengo Korrika 9ak. Deba Garaia, Goierri eta Urola eskualdeak zeharkatu zituen hurrenez hurren euskararen aldeko lasterketa erraldoiak. Eta atzo ere, orain arte bezala, jende oldea bildu zen tropelera.

P. GAZTELUMENDI / DURANGO

Aste osoa daroa Korrikak Euskal Herria alderik alde zeharkatzen. Atzokoan Gipuzkoari egoitu zitzaizkion euskararen aldeko kilometrorik gehienak. Gau partean Bizkaia aldera jo zuen, geroago berri ere Gipuzkoara bueltatzeko. Gipuzkoarrena izan zen atzo Korrika, inolako dudarik barik. Eguzkiaren lehenengo

printzetan Aramaiotik Aretxabaletara egin zuen Korrikak, arin batean Arrasaten sartzeko goizaldeko zazpiak aldera.

Arrasaten, sei kilometro egiteko hogeita zazpi elkarte eta erakundek pasa behar izan zioten lekukoa elkarri herrian zehar. Goiztiar zebiltzan Deba Garaiko euskaltzaleak, goizeko zortzietarako Oñatin baitzegoen martxa. Bertan, ikasleek batez ere, gustora asko ekin zioten herritik Udanarako bideari.

Bertatik gutxira, prest zeuden legazpiarrak, korrika hasteko prest. Legazpiako kaleetan barrera jende asko eraman ostean, 'Jalgi hadi euskaraz!' lemadun lasterketa eroak Urretxu eta Zumarragara eroan zituen euskazale eta korrikalariak.

Goierriko herrietan, kaleetan erabat luzatu zen lasterketa, karreraren burutik ia ezinezkoa zen

bukaera ikustea eta haur eta gazteen euskararen aldeko oihuek burrunbada itzela sortarazi zuten inguruetan, Beasain eta Ordizian batez ere. Lekuko eramaile izan genituen Kisku 'Super 1-eko' aurkezlea, Jose Felipe Auzmendi

lekukoa

Aspaldion biztanleriaren gainera datuak egun bitik behin ematen dituzte; jaiotze tasa zenbakitan, haurrak gora eta behera. Euskal Herrian hegaletik magalera mugitzen ari garen honetan, ene begiek ikusitakoa azaltzen saiatuko naiz une batez: gure herri zahar hau umez josita dago, herri txikietan bezala handiagoetan, kale kantoietatik haur mordoa gehitu zaio Korrikari. Haurrak izan dira, egunez bederen, martxa kolorez jantzi dutenak, oihuak garrasi bilakatu dituztenak, kilometroak laste-

barrez lehertu beharrean eta beste asko. Bi hauek Beasainen ikusi eta gero, Legorretan 'Goenkale-ko' Iker (Asier Zinkunegi) eta telesail arrakastatsutik jada desagertu dagoen Martin (Jose Ramon Soroiz).

Karrera burua Tolosako Benta Haundira heltzean, Joxi Lasa eta Joxean Zabala omendu zituzten

euren oroitarriaren aurrean. Karreraren lekukoa eramaten, Manu Azkarate preso ohia eta Ramon Sagastibeltza errefuxiatu eta preso ohia eta bere laguna. Lasterketa oroitarri aurrean geratu zen une batez. Korrikan isiltasuna nagusitu zen orduan eta lore eskaintzaren osteko txalo zaparrada izugarria izan zen.

Patxi Gaztelumendi



Etorkizuna zuen esku dago

raldi bihurtu eta bertan ginenon pozari irribarrea atera diotenak. Nafarroa Behereko umeak ezaugu ditugu, Zuberoako herri ttipietakoak, lapurtarrak, kostaldekoak, gipuzkoar euskaldun peto-petoak, Donostiako kalekumeak, Nafarroako ume astakiloak, Hegoaldeko ume euskaldunberriak, Goierriko ume euskaldunenak; bizkaitarrek ere hemendik aurrera nahiko gerra emango dutelakoan gaude.

Umeak dira bizitza, umorea, alaitasuna, poza. Umeak dira etorkizuna, hizkuntza ere be-

raien eskuetan da, eta Korrikan aritzen diren moduan, gogoz, mintzatzen badira, hizkuntzaren afera irabazia dugu. Korrikan azaltzen duten ausardia beharko du herri honek aurrera egiteko.

Eskola eta ikastoletan, herri eta auzoetan, kalean, jolastokian, lagunekin, etxean. Etorkizuna beraien esku dago. Gu guztion laguntzaz, nagusi eta gazteen laguntzaz, herri euskalduna lortzeko bidean gara. Korrika. Umeak eta guztiok euskararen alde tinko, gelditu barik. Biba zuek!

Musika atsegina

Kontzertuak



AXULAR



Giro jatorra

Kultur mugimendu ezberdinak

HERRIKO TABERNA - IGORRE

MARTXOAK
25
larunbata

IGORRE
0:04LAUDIO
2:35BALMASEDA
7:57ORTUELLA
10:43BARAKALDO
13:13ALGORTA
16:43BILBO
20:16ETXEBARRI
23:31

1.995eko martxoaren 17tik 26ra GARAZI-GASTEIZ

Jalgi Hadi euskaraz!

korrika laguntzailea

Egunkaria